

中央研究院歷史語言研究所編

維新書局印行

明清史料

(五)

乙編

第四本至第六本

中華民國六十一年三月再版

明清史料

甲編至戊編

精裝全十五冊

定價新台幣參仟元正

編輯者：中央研究院歷史語言研究所

出版者：中央研究院歷史語言研究所

員工福利委員會

地址：南港研究院路二段一三〇號

發行者：蔣紀周

內政部登記證內版台業字第一二二一號

發行所：維新書局股份有限公司

局址：台北市館前路六十七號

印刷所：正大印書館股份有限公司

地址：三重市光復路一段十二巷一號

版權所有
翻印必究

明清史料目錄

乙編第四本

三百〇一至四百葉

兵部題行「大同巡撫劉夢桂塘報」稿

三〇一

兵部行「兵科抄出代王傳齋奏」稿

三〇二

兵部題行「兵科抄出宣大巡按蔡鵬霄題」稿

三〇三

兵部題行「本部提塘張文煌稟」稿

三〇四

兵部題行「兵科抄出本部題覆宣大總督張福臻

奏」稿

三〇五

兵部題行「條奏守德事宜」稿

三〇七

兵部行「薊鎮兵饑已甚」稿

三〇九

薊遼督師洪承疇揭帖

三一〇

兵部題行「宣大總督張福臻塘報」稿

三一一

兵部題行「宣大總督張福臻塘報」稿

三一二

兵部題行「兵科抄出廣東巡按柳寅東題」稿

乙編第四本目錄



協守遼東副總兵劉應國塘報

三一八

兵部行「欽發薊遼督師軍前賞功購勇銀兩」稿

三二〇

兵部行「御批本部題遼東巡撫葉廷桂塘報」稿

三三一

兵部行「御前發下兵科右給事中孫承澤題」稿

三三三

兵部題「宣大總督張塘報」稿

三三三

兵部題行「遼東巡撫丘民仰塘報」稿

三三四

兵部行「遼東巡撫丘民仰咨」稿

三三六

兵部題行「寧前道石鳳臺塘報」稿

三三七

兵部題行「寧前道石鳳臺密稟」稿

三三八

明清史料

一

國立中央研究院

歷史語言研究所

明清史料

乙編第四本目錄

國立中央研究院
歷史語言研究所

兵部題行「漕運幸蒙截遼」稿 三九

遼東提督吳三桂塘報 三〇

寧前道石鳳臺塘報 三一

兵部行「禮監等衙門合捐鞍轡」稿 三三

兵部行「募練救遼等情」稿 三三

宣諭朝鮮副總兵王武緯塘報 三五

兵科抄出大同總兵王樸題本 三五

兵部行「御前發下兵科都給事中張縉彥題」稿 三六

兵部行「總統關遼登津四鎮水師副總兵劉應國

塘報」稿 三七

兵部行「御前發下遼東巡撫葉廷桂題」稿三八

兵部行「御前發下通州總兵張汝行題」稿三九

宣諭朝鮮副總兵王武緯塘報 四〇

兵部行「御前發下四川道御史劉之勃題」稿四一

宣大總督張福臻揭帖 四二

兵部職方清吏司奏稿 四三

兵部行「遼東巡撫葉廷桂咨」稿 四六

兵部題「御批本部覆遼東巡撫葉廷桂題」稿 四七

兵部題「御前發下遼東巡撫葉廷桂題」稿四八

兵部題行「協守山西副總兵薛敏忠稟」稿五〇

兵部題「御前發下錦衣衛指揮祖澤溥奏」稿 五一

兵科抄出宣府巡撫江禹緒題本 五三

兵部題「兵科抄出吏科右給事中沈迅題」稿 五五

兵部題「兵科抄出錦衣衛副千戶張祖東奏」稿 五五

兵部行「御前發下兵科署科事沈迅題」稿五七

奏銷賞功銀兩并麗國送稿細數殘稿 三七六

遵旨看議關於祖澤溥痛憤松山夜潰等情疏殘稿 三七〇

密奏督撫鎮被因松山殘稿 三七二

遼東巡撫殘件 三七三

看議科臣張縉彥關於松錦十疑殘稿 三七三

報修大同等處邊牆實用銀數殘稿 三七四

兵科抄出柳鎮總兵王世國題本 三七六

兵部題「御前發下原任寧夏鎮標參謀官汪鎮東

奏」稿 三七七

遼東巡撫葉廷桂塘報 三八八

兵部行「薊督范志完加陞遼東督師請勅」稿 三八

三八九

遼東巡撫葉廷桂塘報 三七〇

兵部題行「御前發下山東巡撫王公弼題」稿 三七〇

兵部行「御前發下錦衣衛指揮祖澤溥奏」殘稿 三七二

兵部行「兵科抄出宣大總督張福臻奏」稿 三七四

兵部題行「御前發下宣諭朝鮮副總兵王武緯奏」稿 三七五

稿

兵部題行「御前發下錦衣衛指揮祖澤溥奏」稿 三七六

兵部題行「御前發下遼東監軍張若麒奏」稿 三七九

三七九

兵部行「標下副總兵王武緯呈」稿 三八〇

兵科題行「兵科抄出原任山東督糧道鄧謙男鄧

天申奏」稿 三八一

兵部題行「宣府巡撫李鑑塘報」稿 三八三

兵部行「御前發下遼東監軍張若麒奏」稿 三八四

明清史料

乙編第四本

二

國立中央研究院
歷史語言研究所

遼東督師范志完揭帖

三九五

兵科抄出戶科給事中廖國遴題本

三九六

兵部題「御前發下遼東督師范志完題」稿

三九七

兵部題行「御前發下遼東督師范志完題」稿

三八八

兵部行「市辦藥料星赴督師軍前」稿

三八九

兵部行「御前發下本部覆遼東督師范志完題」

稿

三九一

兵科抄出南京湖廣道御史王國楠題本

三九二

兵科抄出兵科給事中方士亮題本

三九三

兵部行「御前發下大同巡撫衛景瑗題」稿

三九四

遼東督師范志完塘報

三九五

兵科抄出南京山西道御史米壽圖題本

三九七

兵部行「確察洪承疇等殉節塘報互異」稿

三九八

兵科抄出宣府巡撫李鑑題本

三九九

兵部題行「兵科抄出山西巡撫蔡懋德題」稿

四〇〇

明清史料

乙編第四本

三百〇一至四百葉

兵部題行「大同巡撫劉夢桂塘報」稿

秋字八十四號大同科書辦趙文鏞揭蓋



兵部尙書加俸二級臣陳謹題爲塘報事崇禎十四年二月二十七日午時准大同巡撫劉夢桂塘報崇禎十四年二月二十二日未時據得勝堡撥兒字譏魏金粟稱本月二十一日北路叅將帶領健丁丁德貴等一百名辰時從鎮羌堡出口至戌時進口斬獲首級一顆奪獲達馬五匹夷器弓刀俱全於二十二日前去陽和驗功外等情本月二十三日辰時又據陽和兵備道僉事元之偉塘報本年二月二十日辰時據陽和城守備金印塘報內稱本月十九日戌時據陽高二衛印捕井城守把總汪弘度等報稱本日清晨有存城夷人男婦約二百十餘名口繇南門打開門鎖擁出蒙軍門令總練朱尙義統率官兵堵剿去訖二十日卯時又據提邊千總楊弘功塘報十九日飯時瞭見官兵撒開遍野不知何故及後見四圍趕捉相殺知係叛夷卑職督率天蓬口臺軍擐擡大砲坡下衝打傷賊無數不敢割級彼值夷漢混雜真假莫辨自己對敵至申迎敵數十餘陣後因大兵趕殺之際被賊射傷卑職頭腿二箭又射傷臺軍李倉等四名各中一箭其餘臺軍見勢不諧且鎗砲燒熱難以裝藥夷人乘機擁射混出男婦二三十名口奪獲盔十五頂甲十二領等情到備緣繇到道塘報到職本日（日）時又據該道僉事元之偉塘報二月二十日申時據陽和城守備金印塘報內稱本月二十日未時據提邊千總楊弘功報稱本月十九日三更之後後邊傳烽知係永平叛逃夷丁百餘騎從東南竟奔天蓬口幸標營防軍臺軍用砲打退各賊竟奔杏園口墻下被臺軍併力鎗砲拒堵因賊勢重大對

明清史料

乙編 第四本

三〇一

國立中央研究院
歷史語言研究所

敵至五更時候各臺軍力量已盡被賊奔散出口賊出將半臺軍連登惠等擡砲下臺趕打射奪連鞍戰馬一匹連鞍騾子一頭驢三頭牛二隻盔九頂甲五領連射傷賊夷二名當被拉去連登惠被賊射傷右鬢一箭稟報到備緣繇到道各報到職據此理合塘報等因到部該臣看得屢據該撫所報叛夷拆口闖出知皆陽和夷丁也守提各官不能攔阻而縱令逸去何辭疏玩之罪除奪回盔甲馬匹咨宣督領回外其守口各官與各臺軍應行該督分別斥革細打施行敢因塘報而并及之崇禎十四年二月二十七日

兵部爲塘報事該本部題云云等因崇禎十四年二月二十七日日本部具題三月初十日奉聖旨叛夷拆口闖出守口官軍不能攔阻何辭疏玩著該督一面察明懲治一面將各營兵丁安戢妥帖具奏欽此欽遵密抄到部擬合就行爲此一咨宣大總督合咨貴部院煩炤明旨內事理將守口官軍察明懲治仍將各營兵丁安戢妥帖具奏施行一咨大同巡撫合咨貴院煩炤明旨內事理欽遵炤施行崇禎十四年三月十二日郎中張若麒

兵部行「兵科抄出代王傳齋奏」稿 秋字百三十號大同科書辦趙文錦楊藩承

兵部爲夷寇披猖剝膚地方大有可憂懇乞天恩立勅鎮守回兵捍禦以重危疆事職方清吏司案呈崇禎十四年四月初一日奉本部送兵科抄出代王傳齋奏前事內稱切惟臣藩分封絕塞比隣虜巢遐想我太祖開創洪業建藩于此而宿重兵以彈壓之匪惟奠藩屏于萬年抑亦拱神京于半壁誠重之也年來天災虜患飢饉薦臻人不聊生餓殍載道所幸撫鎮諸臣多方調劑于軍丁之月糧則彈力嚴催于飢民之乏食則鬻粥賑救于宗祿之匱缺則撙節區處臣方謂上荷皇上之福底下藉諸臣之竭力獲此朝夕之安以奠封疆之謐(謐)無何而鎮守王樸盡挑精銳兵丁肅隊東行矣此時衆口啼飢人情嗷嗷朝不保夕非復太平景色而鎮守挑殘餘衆疲卒鈍戈寧堪保固巖疆乎臣方日夜鯁鯁虞之適有陽和夷丁潰逃之變彼則百十爲羣黠者斬關出口猾者遊魂內地懼誅鼓釁何惡不作卽令鎮臣節報擒獲大爲可憂忽又聞澤遼等地流寇大夥成羣擾攘北向逼晉逼雲不越數舍此則更爲切近之災不可不亟爲之豫籌熟慮者也臣中夜徬徨躊躇四顧乃臣之祖母與母聞茲兵戈之擾復又聞河南等處俱有事變憂思不寧晝夜號泣臣卽多方奉慰終不信從咸云須得大將還兵然後方得無虞臣思奴孽驚伏兵將雲屯關寧減此一枝無損于大雲疆復得故吾不啻長城倘得大將還雲一力肩荷此則衛雲鎮正所以保神京我皇上神謨睿畫遠紹萬里固知不難轉圜于一決者也伏望聖明立勅鎮守王樸親提勁旅回守巖疆庶一鎮之民生舉安而地方皆有藉賴矣等因崇禎十四年三月三十日奉聖旨覽王奏朕知道了遼警告急該鎮正在協剿不宜輕議旋師致開規卸且初到卽撤得無往返騷擾仍少俟凱奏便令回鎮雲疆該部知道欽此欽遵抄出到部送司除行文大同撫鎮欽遵外相應移會

明清史料

乙編 第四本

三〇二

國立中央研究院
歷史語言研究所

禮部案呈到部擬合就行爲此一咨禮部煩炤明旨內事理欽遵察炤施行崇禎十四年四月日

兵部題行「兵科抄出宣大巡按蔡鵬霄題」稿

秋字一百十二號限二十九日上稽查登訖初六日行訖四月二十日註銷訖大同科書辦趙文鐸楊蕃承

兵部尙書加俸二級降三級臣陳等謹題爲續報關口叛夷併叅玩飾將備事職方清吏司案呈崇禎十四年三月二十五日奉本部送兵科抄出宣大巡按蔡鵬霄題前事內稱臣竊惟東援夷丁自永平叛歸一路剿殺幾於過半荷蒙皇上頒賚金幣波及文武亦示以用命者有賞不用命者有罰寓雷霆於雨露俾各將爭自奮耳何懷來圍殺之後未聞有挺後勁而盡殲滅者雖零級時報而遺孽尙多臣一慮潛匿村堡驚擾一慮脫奔口外生害屢檄嚴防不啻類禿迺查園口一通方深憾於尾賊縱逸之李昌齡不謂天城將備悠忽如故復於三月初一日縱東回叛夷四十餘名從鎮口堡十九墩而出此臣近訪最真者細簡該路塘報僅云據操守張麒稟稱本月初一日寅時有叛夷八九人說漢話到本邊十九墩將流水水眼石塊窰開出口等語掩多而飾爲少誑道并以誑臣政在草疏特糾問又接大同撫臣劉夢桂塘報又稱本月初七日申時據總鎮門下守備周國鎮稟稱本月初五日未時據靖虜堡撥丁占國住口報接傳鎮門堡撥丁張全報稱本堡從西二十四墩叛夷三更時入邊略有四五十名殺死墩軍一名奪去墩軍一名槍砲打回未曾傳烽緣緣到臣臣不覺投筆愕嘆曰當今聖明在上上恩威嚴明有此憤憤之將備既闖出【口】者聽其自出復闖入者聽其自入且捉殺墩軍何事仍無一字報臣豈非防禦智短掩飾智長乎備操李遇元張麒路將劉中汲均難辭玩飾之罪伏乞勅部同臣前疏分別議覆速賜施行則信賞之後繼以必罰將衰斧明而懲忿益肅矣等因崇禎十四年三月二十四日奉聖旨該部一併分別覈議具奏欽此欽遵抄出到部送司案呈到部看得陽和夷丁相繼奔逃其在事將領之踈玩者俱經臣部處分有差間三月初一日從鎮口堡逸出而漫無堵截以多飾少者爲誰操守

張麒也又三月初五復從鎮門堡闖邊而捉殺墩軍如入無人者爲誰守備李遇元也一則任其出而莫禦一則聽其入若罔聞律以設備不嚴之罪二弁夫復何辭均應革職行該督按提問究擬者也至於天城叅將劉中汲鎮門鎮口皆其信地察臣部先覆宣督逃夷出口等事一疏已將中汲實降二級示懲奉有成命姑免再議仍應嚴飭策勵勉圖後効倘轄屬各口再有疎玩併從重究處可也既經具題前來相應覆請恭候命下將張麒李遇元二員均應革職行該督按提問究擬劉中汲姑免再議仍嚴飭策勵後効崇禎十四年三月二十八日郎中張若麒

兵部爲續報闖口叛夷等事該本部題云云等因崇禎十四年三月三十日本部尙書陳等具題四月初三日奉聖旨張麒李遇元俱著革了職該督按提問究擬具奏劉中汲姑免再議仍嚴飭策勵後効欽此欽遵密抄【出】到部送司案呈到部擬合就行爲此一咨宣宣大總督煩都察院轉行宣大巡按御史煩依明旨內事理將張麒李遇元俱革了職定限十四年五月中旬提問究擬具奏崇禎十四年四月初五日郎中張若麒

兵部題行「本部提塘張文煌稟」稿 補題行清冊訖左府科書辦翁長承

兵部題爲夷情事崇禎十四年四月二十七日午時據本部提塘守備張文煌稟稱四月十六日洪督師在寧遠早晨有馬楊二總兵自前屯統兵到寧進見出有大同王總兵遼東團練分練吳王二總兵各因統兵本日東行進辭出至申時有松山劉將官塘報爲夷情事切因錦州奴賊砲聲連天不知的情于本月十六日辰時差撥夜把總陳報國帶領撥丁往東石門山頂瞭望情形忽有東山後溝埋伏達賊四五百騎突起追趕將把總陳報國身射一箭傷亡撥丁一名高友隆重傷馬一匹理合塘報至十七日早晨有中協營撥夜口報有錦州平夷右營降夷千總祖祥把總打力罵其帶降夷二十九名在中後所牧馬奉調來至曹庄將字識陳友功楊克智被降夷生叛俱綁起其降夷二十九名拐馬騾三十五匹頭繇寨兒山叛出境外去訖等情稟報到部該臣看得錦州平夷右營千總祖祥原係降夷前鋒鎮臣嘉其勇敢而劄以千總示以同姓取以漢名其豢養之恩可謂厚矣今俱背恩逃去寧遠降夷聞之有不蠢蠢生心者乎大兵俱集前鋒恐本城人心稍懈應勅撫道協路盡心城守更多方駕馭各城夷丁以防外逸以防內應是今日戰守之第一密着也敢因稟報而請飭之崇禎十四年四月二十七日

兵部爲夷情事該本部題云云等因崇禎十四年四月二十七日日本部尙書陳具題五月初一日子時奉御批是大兵俱集前鋒六城人心恐有懈怠本內城守駕馭等事宜着撫道協路各官加意遵行務要周防嚴備不許刻弛隙疎其祖祥等受恩原厚何故逃去仍着督師察明情繇具疏馳奏卿部飛檄密切傳諭欽此欽遵恭捧到部擬合就行爲此一咨

遼東巡撫
副達督師

合咨前去煩炤御批內事理嚴飭道協路將各六城盡心【城】防守所轄夷丁多方駕馭務加意周備

明清史料

乙編 第四本

三〇四

國立中央研究院
歷史語言研究所

弗致少有弛疎仍將祖祥逃去情繇察明的確【根源】據實具奏施行崇禎十四年五月初一日

兵部題行「兵科抄出本部題覆宣大總督張福臻奏」稿

秋字百五十口號限初八日上五月十七日行訖五月二十五日註銷訖稽查登訖大同科書辦趙文鏗楊蕃承

兵部尙書加俸二級降三級臣陳等謹題爲遵旨奏薦將材事職方清吏司案呈崇禎十四年三月二十八日奉本部送兵科抄出該本部題稱崇禎十三年十二月十二日奉本部送兵科抄出宣大總督張福臻奏稱崇禎十三年七月初四日准兵部咨爲敬獻樸忠仰干天聽救民水火事兵科抄出山東兗州府曲阜縣聖裔舉人孔尙鉞奏前事該本部覆奉聖旨前有旨著內外諸臣各舉所知將材何至今未見奏薦著該部通行嚴催欽此欽遵備咨到臣臣竊謂舉將材者舉大將材也果其材則登壇出令當如臨淮到營旌旗改觀果其材則運籌決勝當如吳起論將一劍非任果其材則貴謀賤戰當如岳武穆不愛錢不怕死而天下太平噫此豈今日之易得哉但能潔己訓士懷裹革之忠鼓三軍之氣凜五案之法而念念謀賊殺賊以報國雪恥便可張撻伐成膚功而無負將材之稱也臣目擊所知副將叅遊之中共得十六人皆可勝大將之任者謹據實爲皇上陳之察臣陽標下總練朱尙義桓赴貌類虎頭慷慨胸懷豹略論威嚴則萬旅忻服語甘苦則三軍樂用救時良將大授宜先陽標一營副將李昌齡能爲脩道保法不立智名勇功而才可兼人射能命中恂恂中有矯矯之概真大將材也副總兵管太原營叅將事許定國報國一片丹心滅虜滿懷忠憤平妖績懋征寇功崇而大樹終於不言未可以副銜鋼豪傑也大同右協副將楊化麟溫雅似玉矯捷如彪平階叛征流寇皆以身當先被創而氣愈銳饒有飛將之風不愧登壇之選宣府中協副將張巍沉雄之識練達之才盍甲槍砲捐金打造脩壕築臺身爲衆先所志固不在溫飽也宣府西協副將甘良臣智能料敵信可服衆鳩工更饒才辦數里衛城估工四載而以年半竣之則陪牛陪車盡心盡力之大効也山西西路副將薛敏忠雄稱百戰勇冠三軍殺

賊破虜著有成績而矢志愈銳譚兵多奇將林中之錚錚者也陽標二營副將嘗懷德惠行則投醪挾纊忠殫而爲國破家剿寇禦虜所全保民未易屈指蓋久負登壇之望者也大同得勝路叅將鍾鳴高氣欲吞胡才可掣電防邊則綱繆未雨督工則拮据披星^(曙)十二臺之鼎新羨真將軍之作用宣府右衛路叅將葛汝芝技稱猿背勇號虎痴臨敵既有敢戰之名飭伍更得知方之律真巖疆長城也陽標三營遊擊侯大節智勇兼備才略無雙長安嶺執砲當先萬奴却走是負犂庭之雄不與奴俱生者也獨石路叅將康鎮邦邊庭閱歷多年彼己情形熟諳且忠信待虜果敢示威可使犬羊戒勿生事懷標六營叅將頗重耀負萬人必往之氣秉百鍊不屈之剛卹軍養士陷陣摧鋒真可資其一臂柳溝路叅將毛勳報國一片熱心詰戎百倍猛力至督脩陵工經始落成夙夜匪懈可稱能品水泉營叅將田秉德視國如家愛卒若子急邊工直擲性命九臺煥然半出捐輸真可謂國士無雙偏關叅將王弘社矯矯志欲向上烈烈勇可摧鋒且八臺立竣一手忠義才能堪與鍾鳴高田秉德並駕齊驅以上十六員在副將便可指日登壇在叅遊亦可轉瞬大用臣皆驗之人試之事有若操符券者非謀之衆口探之風聞敢嘗試於皇上之前也臣爲國薦賢一念樸忠天日可鑒懇皇上勅部斟酌施行等因崇禎十三年十二月十一日奉聖旨這所舉將材該部詳覈具奏欽此欽遵抄出到部送司案呈到部看得邊腹多事全在將領得人是以前明特勅內外臣工各舉所知蓋欲使登壇建旆者皆智勇兼全輩也今督臣張福臻於三鎮副叅遊中薦十六人若人人皆韓白之選恐不無過情之譽然此十六人中如朱尚義李昌齡許定國楊化麟張巍甘良臣薛敏忠鍾鳴高葛汝芝侯大節康鎮邦頗重耀毛勳田秉德王弘社十五員皆臣督宣時灼知其可用者惟嘗懷德一員係該督所用就中如朱尚義已陞總兵許定國已陞協將楊化麟張巍皆陪

推總兵惟李昌齡近以叛夷一案降矣王弘祉以疎防一案處矣總之各弁能慎終如始濟勇以廉卽韓白豈難再見惟或驚名鮮實有始無終督撫稍有糾彈臣部卽以大法繩其後矣既經具奏前來相應覆請恭候命下臣部轉行申飭施行等因崇禎十四年三月二十四日本部具題二十七日奉聖旨據奏朱尙義等十五員俱屬可用知道了督懷德是否可用何未奏明著再確覈具奏這責各弁以恪慎廉勇說的是如有驚名鮮實慎始怠終的著督撫官叅來議處該部卽行嚴飭欽此欽遵抄出到部送司除朱尙義等十五員奉有俞旨毋庸再議惟督懷德一員原係宣督所薦是否可用亦惟宣督知之今既奉有明旨相應咨行確覈咨部具奏案呈到部擬合就行爲此合咨前去煩炤明旨內事理希將督懷德果否可用覈實咨部以憑覆請至於原薦各弁如有驚名鮮實慎始怠終的卽行叅奏等因移咨宣督去後今于本年四月十九日准宣督張福臻咨回前事內稱除將原薦各弁察行外爲炤陽和督標二營副將督懷德榆林剿賊全城久著功績陽和練兵禦叛亦見綢繆委係可用擬合回復爲此合咨兵部煩請察炤回奏施行等因到部送司案呈到部看得督懷德係督臣張福臻調用之將非臣督宣時所舊用之人原未確知其才品是以不敢遽覆爲可用誠以將材實難蓋欲爲封疆慎重其人也今奉明旨確覈臣部卽咨詢該督隨准回稱懷德昔在榆林有剿賊全城之功近在陽和有練兵禦叛之績是該督灼見其可用矣相應儲之以待不時之需可也緣奉有確覈具奏之旨相應覆請恭候命下遵奉施行崇禎十四年五月初七日郎中張若麒

(行稿缺)